

NOTAT

Til: AU

Fra: Kleiva-Gramstad Sigrid Sofia og Trond Idås

Dato: 07.09.2018

Saksnummer: 27 559

Retningslinjer for tildeling til lokal- og konsernlaga 2019

Vedlagt ligg to dokument for tildeling av økonomiske middel til lokallaga. Dette er basert på tidlegare dokument, og er særleg oppdaterte på to punkt: Nokre satsar er lett oppjusterte, og det er innført ei maksimumsmengd på alkoholeiningar laget kan betale for.

Det er per i år ikkje gjort store endringar til rapporten, men det er framleis skilnader mellom tildelingar til konsernlaga og lokallaga som må påpeikast. Landsstyret bør vurdere om dette skal samkjøyrast fullstendig eller haldast slik det er i dag. Dette er ting som vart vedtatt av landsstyret etter framlegginga av konsernlagsrapporten. Døme på dette er

- Bruk av styrehonorar, der lokallaga per i dag har styrehonorar. Dette har ikkje konsernlaga.
- Det er klare føringar på kostnadane knytt til eventuelle utanlandsturar med tanke på styreseminar for konsernlaga, dei same føringane er ikkje lagt for lokallaga.

Det tilrådast at ein i arbeidet med lokallaga arbeider tydeleg med kvifor ein har forskjellige retningslinjer, og om det er fornuftige skilje. Dette vil sjølv sagt også kome inn i ein diskusjon om lokallaga sin funksjon i organisasjonen i forhold til konsernlaga, og er på denne måten ein del av ein større diskusjon som ikkje ligg under dette punktet. Det er likevel verdt å poengtere at slike skilnadar bør vere gjennomtenkt med tanke på rollene dei har i diskusjonen – og ikkje tilfeldige.

I tillegg bør ein i 2019 vurdere om ein skal sjå på eventuelle endringar i samband med framtidige samanslåingar. Organisasjonen er i endring med tanke på lokallaga, og det er mogleg det er fornuftig at dette fører til ei viss endring når det kjem til korleis ein tildeler midla til lokallaga. Det er ikkje slik at dette er noko ein kan hauste erfaring frå på førehand, men så lenge ein er i denne prosessen bør ein også ha eit fokus på dette i framtida. I tilfelle der små eller mindre aktive lag blir større og vonleg meir aktive lag vil ein måtte sjå på korleis desse organiserast, også når det kjem til økonomiske behov.

Det vi også ser, i likskap med i fjor, er at fleire av dei journalistfaglege konferansane er under press. Sommarkonferansen vart avlyst i fjor, og er i år redusert til ein dag. Hellkonferansen har også kome med førespurnad om å heller arrangere denne annakvart år. Dette har derimot truleg lite med finansieringsmodellen med tanke på reiserefusjon og annan refusjon å gjere, og handlar om kor stor belastning det er for einskildpersonar å ha ansvaret for å arrangere denne.

Rettleiing for korleis NJ skal tildele middel til lokallagsaktivitet

1.1 Styreseminar (NJ tildeler utan søknad)

Midla NJ gir til styreseminaret (16 000 kroner per år) skal dekke reisekostnadane etter at styret har samla seg, til dømes på ein lokal flyplass eller togstasjon. I tillegg skal felles måltid eller overnatting dekkjast. Midla som er tildelt styremøta skal dekkje reisekostnadane til og frå samlingsplassen, og ein skal ha styremøte og anna relevant program undervegs i styreseminaret.

1.2 Styrehonorar (NJ tildeler utan søknad)

Styret vedtar korleis dei skal bruke styrehonoraret på 15 000 kroner pluss AGA. Styret kan nyttja styrehonoraret heilt eller delvis til å dekkje meirkostnadene ved styreseminaret. Styret kan også velje å utbetale dette som honorar til styremedlemmane etter korleis styret fordeler summen. Honorara blir utbetalt på slutten av kalenderåret, og alle styrehonorar skal rapporterast inn. Rekneskapsføraren i NJ kan hjelpe til med dette.

1.3. Styrearbeid/administrasjon (NJ tildeler utan søknad)

Der styret har fysiske styremøte kan laget dekke reise og enkel servering. Under administrative kostnadene ligg telefonomøte, porto, refusjon for telefonkostnadene (maksimum 1200 kroner totalt), og bankgebyr. NJ tildeler midla til styrearbeid og administrasjon basert på det tidlegare forbruket til lokallaget.

2.1. Årsmøte (NJ tildeler utan søknad)

Lokallaget kan refundere reisekostnadene for medlemmar som deltar på årsmøtet, men dette er avgrensa til 2500 kroner. Ved individuell søknad behandla i laget/ av NJ kan laget dekke opp til 3600 kroner. I samband med årsmøtet kan lokallaget dekke middag for opp til 430 kroner per deltakande medlem. Dersom lokallaget legg årsmøtet til ein av dei regionale journalistfaglege konferansane kan lokallage refundere kost og losji for ei natt, opp til 1500 kroner totalt per medlem. Lokallaget får tilskot til å halde årsmøte basert på tidlegare forbruk. Lokallaget har ansvar for å søke om ekstratildeling dersom dei ser at dei allereie tildelte midla ikkje strekk til.

2.2 Klubbleiarsamling (lokallaget må søke om lokale klubbleiarsamlingar, NJ tildeler regionale klubbleiarsamlingar utan søknad)

Lokallaget kan refundere reisekostnadene for tillitsvalte som deltar på klubbleiarsamlingar. Lokallaget kan dekke enkel servering og eventuell leige av lokale. I år med landsmøte i NJ skal klubbleiarane og/ eller delegatar samlast i forkant av landsmøte til desse regionale klubbleiarsamlingane:

- Oslo: Akershus, Østfold og Oslo
- Vestfold: Buskerud, Telemark og Vestfold
- Agder: Stavanger og Agder
- Bergen: Haugesund, Sogn og Fjordane og Bergen
- Trondheim: Møre og Romsdal, Nord-Trøndelag og Trondhjems
- Troms: Helgeland og Salten, Hålogaland, Troms og Finnmark

- Hedmark: Oppland og Hedmark

NJ tildeler middel til kvart lokallag for å dekke klubbleiarane si reise til samlinga. Det lokallaget som er vertskap for samling får ekstra tilskot for å dekkje kost og losji for alle deltarane.

4. Studentklubbar (NJ tildeler utan søknad)

Dei lokallaga som omfattar ein studentklubb mottar 15 000 kroner per studieplass. Dette skal dekkje utgiftene studentklubben har i samband med drift når det kjem til arrangementa deira. Studentklubben skal levere ein søknad til lokallaga innan 1. november, og lokallaget har ansvar for å føre rekneskap over bruken. Det oppmodast til at lokallaget gjer denne rekneskapen tilgjengeleg for nye styre i studentlaga.

5. Prispengar (NJ tildeler utan søknad)

Kvart lag får 10 000 kroner til å dele ut ein journalistfagleg pris. Lokallaga kan berre dele ut prisen til ein rettshavar innan journalistikk. Dette tyder at dei kan dele ut prisen til ein fotograf, ein journalist eller ein som driv innan annan journalistisk redaksjonell verksemd. Dette arrangementet må også vere opent då tilskotet kjem frå vederlagsmidla.

6. Journalistfaglege arrangement (NJ tildeler etter søknad)

NJ støttar lokale, journalistfaglege arrangement som debattar, foredrag, seminar og liknande. Lokallaga må setje opp eit budsjett for arrangementet som inkluderer postar for gáve, reise, mat og liknande og legge ved ei kort skildring av arrangementet.

7. Ymse informasjon om støtte

- NJ overfører økonomisk støtte til lokallaga to gongar i året dersom laget er ajour med føring av bilag. Midla som ikkje er nytta blir tilbakebetalt til NJ etter avslutninga av rekneskapet.
- Lokallaga kan søke om tilskot til faglege arrangement enten før 1. desember eller underveis i året.
- Det er ikkje vanleg med honorering for journalistfaglege bidra på debattar, møte, seminar og liknande. Det er eit unntak for frilansarar.
- NJ tildeler både driftsmiddel og kollektive vederlagsmiddel til lokallaga. Lokallaget kan bruke driftsmidla på arrangement som berre er for medlemmane i laget. Der ein bruker vederlagsmiddel må arrangementa også vere reelt opne for rettshavarar som ikkje er medlemmar av NJ.

Retningslinjer for tildelinger til NJs konsernlag 2019

Vedtatt av NJs landsstyre 22.11.2017 på bakgrunn av forslagene fra Konsernutvalget (rapport datert 30.10.2017).

Fra Mønstervedtekten, §3:

Konsernlaget får overført midler til oppgaver beskrevet i NJs vedtekter og lagets drift. Øvrig aktivitet som klubbledersamlinger, temamøter el.l. bevilges etter søknad.

1.1 Årsmøte

Årsmøtene i konsernlagene skal som hovedregel legges i tilknytning til konferanser og seminarer i regi av konsernet, hvor tillitsvalgte er representert. Der hvor dette utløser overnatting og/eller diett som det ikke er naturlig at arbeidsgiver betaler, dekker NJ dette. (Forutsetter at konferanse i konsernregi arrangeres om høsten).

1.2 Dagssamling for tillitsvalgte fra klubbene

Konsernlagene kan arrangere en årlig dagsamling finansiert av NJ med inntil én overnatting.

1.3 Styrets arbeid

Landsstyret bevilger årlig en budsjetttramme til hvert enkelt konsernlagsstyre, som skal dekke kostander knyttet til styrets arbeid.

Styremøter skal som hovedregel avholdes på Skype/telefon.

Styreseminar som avholdes utenlands, skal ikke medføre kostnader utover hva en tilsvarende samling ville kostet innenlands.

Lag kan ha mer aktivitet utover retningslinjene dersom de finansierer det selv ved eksempelvis lokalkontingent eller skoleringsmidler (Opp- og utmidler).

Budsjetstandardar for lokallagstildeling

Reiser

Dersom laget skal refundere reiser må desse reisene vere økonomibillettar. Lokallaget kan refundere reiser opp til 2500 kroner (3600 kroner etter individuell søknad og vurdering). Bruk av taxi skal avgrensast til det mest naudsynte. Laget kan berre gi kilometergodtgjersle (3,5 kroner per kilometer) dersom det ikkje eksisterer eit kollektivtilbod, men ein kan alternativt refundere pengar tilsvarende buss- eller togbillettar for same strekninga.

Kost

NJ sin sats for mat under møter er 150 kroner per person. Ved middag i samband med årsmøtet kan laget dekke opp til 430 kroner per person. Satsen for lunsj er 320 kroner per person. Dersom lokallaget arrangerer debattar og kortare møte skal det ikkje serverast mat på laget si rekning. NJ tilrår lokallaga å vere måtehaldne når det kjem til å dekke utgifter til alkohol, og laget kan dekke maksimum tre alkoholeiningar per person.

Overnatting

Lokallaga kan söke støtte til overnatting ved fagleg program over fleire dagar. Det er då naudsynt å ta kontakt med NJ for informasjon om hotellavtalar med rabattar. Ofte vil ein få ein felles pris for kost/losji og lokale ved opphold på hotell. Dette kan lokallaget setje inn i feltet som heiter «overnatting» ved søknad om tilskot.

Leige av lokale

Dette skal laget gjere så rimeleg som mogleg.

Gåver

Gåver til avtroppande styremedlemmar og innleiarar kan kjøpast. Verdien av desse kan vere opp til 320 kroner.

Honorar

NJ gir normalt ikkje honorar til innleiarar på debattar og liknande. Frilansarar kan få honorar i form av tapt arbeidsforteneste. Eksterne kurshaldarar kan også motta honorar. NJ oppmodar til særskilt avgrensa bruk av honorar.

Prispengar

Kvar lokallag kan få 10 000 kroner årleg til å dele ut ein lokal journalistfagleg pris. Prisen må gå til ein rettshavar innan redigerte media. Summen inkluderer eventuelle kostnadane til ramme/diplom/blome.

Prosjekt

Lokallaga kan söke om tilskot til å gjennomføre prosjekt (annan aktivitet enn arrangement). Som ein del av prosjektet har lokallaga høve til å söke om frikjøp for å refundere lønnskostnadane til arbeidsgivaren dei dagane prosjektmedarbeidaren er borte. NJ held tilbake frikjøpsmidla, arbeidsgivaren fakturerer NJ og betaler ut lønn til medarbeidaren som normalt.

Alternative kjelder til inntekt:

Lokallaget bør vurdere kva andre inntekter dei har, og kan supplere støtta frå NJ med

- Eigenandel, der deltakarane skal betale inn ei avgift til eit arrangement eller ein festmiddag
- Eigenkapital dersom laget disponerer eigne middel
- Sponsing eller spleising, der lokalt næringsliv eller samarbeidspartnarar også bidrar økonomisk til eit arrangement

Framlegg til vedtak: AU godkjenner retningslinjene for tildeling til lokallaga.